



**COFNODION CYFARFOD MISOL  
26<sup>ain</sup> O FEHEFIN 2008 AM 7.30PM  
NEUADD Y DREF LLANBEDR P.S.**

**1. CROESO'R CADEIRYDD**

Croesawyd yr aelodau i'r Cyfarfod Misol gan y Maer Derek Wilson.

**YN BRESENNOL**

Cyng Maer Derek Wilson (Cadeirydd); Cecilia Barton; Andrew Carter; Elsie Dafis; John Davies; Margaret Davies-Evans; Greg Evans; Robert Harris; Lynda Mason-George; Robert Phillips; Kistiah Ramaya a Dorothy Williams. Mr Julian Evans; Zhong Xian (James)

**2. YMDDIHEURIADAU**

Cyng. Chris Thomas; Selwyn Walters. Mr Carl Stringer (Gohebydd y Wasg)

**3. CYN DECHRAU'R CYFARFOD CAFWYD ANERCHIAD** gan y gŵr busnes lleol Mr

Julian Evans a'r myfyriwr Prifysgol Llambled o Tsieina Zhong Xian (James). Bu'r ddau ohonynt yn ymweld â Haiyang yn ddiweddar, atyniad twristiaeth ar arfordir Tsieina. Pwrpas yr ymweliad oedd ceisio annog buddsoddiad dwy-ochrog rhwng y ddinas Tsieinaidd, sy'n berchen ar boblogaeth o 700,000, a Chymru, o dan arweiniad y Cynulliad Cenedlaethol. Ceisiodd Mr Evans ddarbwylllo ei wahoddwyr Tsieinaidd i brynu nwyddau o Gymru gan gynnwys nwyddau'r Ganolfan Dechnoleg ym Machynlleth. Mae Tseina'n euog o lygredd ar y radd flaenaf; y mae felly o fudd iddynt geisio datrys y broblem drwy ystyried technoleg gwahanol. Gobeithir y bydd Llambled yn elwa o'r fuddsoddiad.

Disgrifiwyd Tseina gan y prif siaradwr fel gwlad, "dynamig ac yn ferw o brysurdeb", sy'n datblygu grym economaidd. Yn ystod eu hymweliad buont yn dyst i i drasiedi y ddaeargryn *Sichuan Province* a laddodd deg ar filoedd o bobl ac a wnaed mwy na hyn yn ddigartref. Cyflwynodd y gŵr busnes Llambled blac a llythyr i Maer y ddinas Changging Zou; yn ei ymateb cyflwynodd dau fedal aur i dref Llambled a baratowyd ar gyfer y Gemau Traeth Asiaidd 2012. Gwnaethpwyd ond 2012 o fedalau. I gloi, dywedodd Mr Evans iddynt gael "derbyniad bendigedig" ac iddynt hebrwng y Maer Zou ar apwyntiadau swyddogol yn feunyddiol mewn car yn berchen ar yrrwr.

**4. DATGELU BUDDIANNAU PERSONOL**

Bu i'r Cyng. Rob Phillips ddatgan budd personol wedi ei gyfleu'n ysgrifenedig ac wedi ei arwyddo ganddo, cyn ei gyflwyno i'r Clerc, pan yn trafod y Cais Cynllunio sydd wedi ei gynnwys o dan y pennawd 10.1.4 sef: Trosi'r garej presennol i estyniad sengl un-llawr, Green Cottage, Teras Greenfield, Llanbedr Pont Steffan. Rhif y Cais: A080525. Ymgeisydd: Mr Andy Bevan Green Cottage, Teras Greenfield, Llanbedr Pont Steffan.

## 5. CADARNHAU COFNODION Y CYFARFOD - 29/05/2008

Derbyniwyd cofnodion Mis Mai fel rhai cywir.

## 6. MATERION YN YMWNEUD Â'R HEDDLU

Derbyniwyd ateb oddi wrth yr Uwcharolygydd Alun Harries ynglŷn â'r cais am gynnydd ym mhresenoldeb yr heddlu'n Llambled yn ystod oriau'r nos. Ar hyn o bryd lleolir y cyfanswm cywir o swyddogion yn Llambled. Byddai'n croesawi adnoddau ychwanegol dros yr holl sir, gan gynnwys Llambled, ond nid yw'n debygol o ddigwydd. Ei swydd ef yw sicrhau bod ei weithwyr yn cael eu rhannu'n gyson wedi ei seilio ar broffeil anghenion led-led y Sir. Wedi adolygu y nifer a glustnodwyd i wahanol ardaloedd yn ddiweddar nid oedd cyfiawnhad i adleoli staff ychwanegol i Llambled ar hyn o bryd. Nid oedd yn ymwybodol o ddigwyddiad yn lleol ble nad oedd yr heddlu wedi llwyddo i ddelio â'r argyfwng.

## 7. MATERION SY'N CODI O'R COFNODION BLAENOROL

**7.1 Cyfethol aelod newydd ar gyfer y Cyngor Tref:** yn disgwyl ateb oddi wrth Gyngor Sir Ceredigion (GSC) parthed y mater.

**7.2 Y Ddarpariaeth o Arwyddion Newydd ar gyfer y dre:** Mae dyluniadau wedi eu hanfon at y gwneuthurwyr ac yn disgwyl gwybodaeth pellach.

**7.3 Biniau ar gyfer casglu gwastraff ailgylchadwy:** Darparwyd gwybodaeth pellach yn ymwneud â'r fath o finiau sydd eu hangen a'u pris gan y Cyng. R.Phillips. Cyfeiriwyd y wybodaeth at sylw'r Cyng. C.Thomas i'w gynnwys yn y cais i'r gystadleuaeth Cadwch Cymru'n Daclus.

### 7.4 Materion Traffig

Derbyniwyd ateb oddi wrth GSC

**7.4.1 Sgriwiau'n rhydd-** arwydd tu allan i Neuadd y Dref ar y Stryd Fawr-wedi ei atgyweirio ar ddechrau Ebrill;

**7.4.2 Y manol ger yr Archfarchnad Somerfield:** ar eiddo preifat, dylid cyfeirio'r broblem at sylw'r Reolwr yr Archfarchnad.

**7.4.3 Mae'r ffynnon ar Sgwâr y Dref** yn awr yn dal dŵr.

**7.4.4 Dŵr yn crynhoi ger mynedfa'r Orsaf Ambiwllans:** yn disgwyl ateb.

**7.4.5 Mae'r arwydd ger llyfrgell y dref** angen ei atgyweirio;

**7.4.6 Mae angen arwydd "Rhoi Cyfle i draffig o Gyfeiriad Arall"** ar Heol y Porthmyn ar y groesfordd ger y Stryd Newydd, fel yr oedd yn y gorffennol.

**7.5 Ymddygiad gwrth-gymdeithasol o dan yr arch ger Neuadd y Dref:** Ymateb oddi wrth Kate Butler i'r llythyr anfonwyd ati gan y Cyngor Tref parthed plant yr ysgol yn ysmegu ac yn poeri o dan yr arch, Neuadd y Dref. Roedd yn gwerthfawrogi ei fod yn sefyllfa anodd i'w datrys . Yn ogystal ag atal adwerthwyr rhag gwerthu sigarets i bobl ieuainc o dan 18 mlwydd oed, roedd yn holi tybed a fyddai'n bosibl i drefnu gwersi rhoi'r gorau i ysmegu wedi eu hanelu at bobl ieuainc. Nid oedd am bardduo y pobl ieuainc dan sylw ond roedd yn poeni eu bod yn ysmegu mor agored, y peth cyntaf yn y bore, a oedd yn awgrymu arferiad cyson y gallent ddyfaru mewn blynyddoedd i ddod. Cyfeiriwyd y llythyr at sylw'r Prifathro yr Ysgol Uwchradd Llanbedr PS.

Derbyniwyd e-bost oddi wrth y Blismones Jo Grey yn mynegi fod y broblem hon wedi ei blaenoriaethu gan yr heddlu a byddant yn dal i fod yn wliadwrus.

**7.6 Datblygiad Tai Newydd yn Heol y Wig;** cynigodd y datblygwr yr enw Maes Hyfryd: gall cynigion gwahanol gael eu cyflwyno gan y Cyngor Tref: pleidleisiodd aelodau'r Cyngor Tref am yr enw "MaesHyfryd".

**7.7 Cynllun Tref Taclus:** Y Cyng. Greg Evans i gyflwyno'r cais.

- 7.8 Hyfforddiant ar y Cod Ymddygiad Newydd** – adborth y cyfarfod o'r 9/10fed o Fehefin a fynychwyd gan y Cyng. D.Williams, R.Phillips a'r Clerc. Dosbarthwyd gwybodaeth pellach parthed y Cod Ymddygiad Newydd. Sefydlwyd fframwaith moesegol newydd ar gyfer llywodraeth leol yng Nghymru gan Ran 111 Deddf Llywodraeth Leol 2000.

**Prif Nodweddion y Fframwaith Moesegol:**

**7.8.1 Egwyddorion sy'n llywio ymddygiad cynghorwyr;**

**7.8.2 Cod Ymddygiad;**

**7.8.3 Datgelu Buddiannau;**

**7.8.4 Gollyngiadau;**

**7.8.5 Pwyllgorau Safonau;**

**7.8.6 Ombwdsmon Gwasanaethau Cyhoeddus Cymru.**

**7.8.1 Egwyddorion sy'n llywio ymddygiad cynghorwyr**

Anhunanoldeb; Gonestrwydd; Uniondeb a Gwedduster; Dyletswydd i Gynnal y Gyfraith; Stiwardiaeth; Gwrthrychedd wrth Wneud Penderfyniadau; Cydraddoldeb a Pharch; Bod yn Agored; Atebolrwydd a Rhoi Arweiniad.

**7.8.2 Cod Ymddygiad**

Mae'r Cynulliad wedi cyhoeddi Cod Enghreifftiol newydd ym Mawrth 2008. Mae Gorchymyn 2008 yn dirymu ac yn disodli cod ymddygiad enghreifftiol a gyflwynwyd gan Gynulliad Cenedlaethol Cymru ym 2001. Mae'n orfodol a rhaid mabwysiadu'r Cod erbyn Medi 2008. Mae Cyngor Tref Llambod wedi mabwysiadu'r Cod newydd eisoes.

**7.8.2.1 Datganiad Derbyn Swydd**

Wrth dderbyn swydd cynghorydd, rhaid ymrwymo i gadw at y Cod; nid yw'n bosibl i gyflawni dyletswyddau cynghorydd heb fod y cynghorydd wedi llofnodi'r datganiad hwnnw. Mae modd diswyddo cynghorydd nad yw'n addo gweithredu'n ôl y Cod. Mae aelodau Cyngor Tref Llambod wedi arwyddo'r Datganiad Derbyn Swydd ar yr 8fed o Fai 2008 ac ymddangosodd rhybudd yn y Wasg yn cyhoeddi'r ffaith. Rhoddwyd gyfle hefyd i aelodau'r Cyhoedd i archwilio'r Cod ac anfonwyd copi o'r Cod at Ombwdsmon Cymru.

**7.8.2.2 Pryd mae'r Cod yn gymwys?**

- Cynnal busnes y Cyngor neu'n mynychu un o gyfarfodydd y Cyngor;
- Gweithredu fel aelod neu fel cynrychiolydd;
- Gweithredu fel y sawl a benodwyd neu a enwebwyd gan y Cyngor i fod ar unrhyw gorff arall sydd heb ei god ymddygiad ei hun;
- Bywyd preifat mewn rhai amgylchedd.

**7.8.2.3 Dyletswyddau Cynghorydd**

- Dyletswydd i hyrwyddo cydraddoldeb;
- Amlygu parch ac agwedd ystyrgar;
- Dim bwli nac aflonyddu;
- Peidio â chyfaddawdu didueddrwydd y sawl sy'n gweithio i'r Cyngor;
- Dim datgelu gwybodaeth gyfrinachol;
- Dim rhwystro pobl rhag mynnu gwybodaeth;
- Peidio â dwyn anfri ar eich swydd neu ar y Cyngor

- Tynnu sylw at dor-cyfraith;
- Tynnu sylw'r Ombwdsmon a'r Swyddog Monitro at unrhyw un sy'n torri'r Cod;
- Peidio â chyflwyno cwynion blinderus; maleisus na gwacsaw;
- Rhaid cydymffurfio â gofynion y Swyddog Monitro neu'r Ombwdsmon ynghylch ymchwilio;
- Dim ffafrio na chreu/osgoi anfantais;
- Defnyddio adnoddau'n briodol yn ôl y gyfraith- dim defnydd preifat amhriodol;
- Penderfynu yn ôl rhinweddau'r achos a lles y bobl;
- Rhesymau dros benderfyniadau;
- Osgoi rhoddion neu letygarwch a allai arwain at ymrwymiad amhriodol.

### 7.8.3

#### **Datgan Buddiannau**

##### **7.8.3.1 3 Cwestiwn**

- A yw'r Cod yn berthnasol?
- A oes gennych fuddiant PERSONOL?
- A oes gennych fuddiant sy'n RHAGFARNU?

##### **7.8.3.2 BUDDIANNAU PERSONOL: 3 categori**

- Cyflogaeth, busnes, contractau, eiddo, cyrff cyhoeddus a chyrrff a chymdeithasau eraill (para 10(2) (a))
- Materion sydd yn achosi gwrthdaro rhwng eich rôl o ran gwneud penderfyniad a'ch rôl o gynrychioli'r ward (para 10 (2) (b)) – amherthnasol ar gyfer Cynghorwyr Tref
- Materion sydd yn effeithio, i raddau helaethach na'r rhan fwyaf o drigolion y ward, ar eich lles neu'ch sefyllfa ariannol NEU les, sefyllfa ariannol neu fuddiannau eraill unrhyw berson yr ydych yn cydfyw ag ef neu y mae cysylltiad personol agos gennych ag ef (para 10 (2)(c) ).

##### **7.8.3.3 BUDDIANNAU PERSONOL- BETH I'W WNEUD? CEWCH CHI AROS**

- Datganwch eich buddiant yn ystod y cyfarfod, rhowch hysbysiad ysgrifenedig i'r Clerc sydd yn cynnwys manylion ynglŷn â'ch buddiant, manylion ynglŷn â'r eitem agenda o dan drafodaeth, eich llofnod. Gallwch gymryd rhan. (os rydych yn datgan diddordeb ar yr un mater am yr ail dro gallwch ei ddatgan ar lafar yn unig).

##### **7.8.3.4 BUDDIANNAU SY'N RHAGFARNU**

- A fyddai aelod o'r cyhoedd sy'n adnabod y ffeithiau perthnasol yn ystyried yn rhesymol bod eich buddiant personol mor arwyddocaol nes bod hynny'n debygol o ragfarnu'ch barn am fuddiant y cyhoedd? EITHRIAD: grantiau i gyrff cymunedol neu wirfoddol hyd at £500.

#### **7.8.4 BUDDIANNAU SY'N RHAGFARNU – BETH I'W WNEUD? – RHAI GADAEL**

- Datganwch eich buddiant yn ystod y cyfarfod; rhowch hysbyseb ysgrifenedig; GADEWCH yr ystafell tra bod y mater o dan drafodaeth; ONIBAI fod Is-Bwyllgor Safonau y Cyngor Sir wedi rhoi gollyngiad i chi.

### **7.8.5 Pwyllgorau Safonau a 7.8.6 Ombwdsmon Gwasanaethau Cyhoeddus Cymru.**

#### **TORRI'R COD YMDDYGIAD**

- Gwnaed honiadau i Ombwdsmon Gwasanaethau Cyhoeddus Cymru. Mae 4 categori.
  - Dim tystiolaeth bod y Cod wedi'i dorri;
  - Er bod tor-cod, fydd dim eisiau cymryd camau;
  - Cysylltu â'r swyddog Monitro;
  - Cysylltu â Phanel Dyfarnu Cymru.
- Swyddog Monitro/Is-Bwyllgor Safonau
- Panel Dyfarnu Cymru.

**COFRESTRU BUDDIANNAU AELODAU:** nid oes angen cwblhau cofrestr bellach (ond mae dal angen rhoi hysbysiad ysgrifenedig ar ôl datgan buddiant- gweler uchod).

**COFRESTRU RHODDION A LLETYGARWCH:** rhaid i gynghorwyr ddatgan eu bod wedi derbyn rhodd neu letygarwch sy'n fwy na'r gwerth a bennir gan y Cyngor ei hun. Bydd rhaid i Gyngor Tref Llambod ddiffinio'r gwerth h.y. pa werth sy'n uwch na'r gwerth a bennir gan y Cyngor Tref y bydd rhaid ei ddatgan.

### **7.9 Cynigion i'w trafod Cyfarfod Blynyddol Cyffredinol Un Llais Cymru:**

penderfynwyd i beidio â chyflwyno cynigion i'w trafod yn ystod y CBC, Un Llais Cymru, eleni. Gellir ei hystyried yn ystod y blynyddoedd sydd i ddod.

### **7.10 Cyflwyno tarian** - i Ysgol Uwchradd a Gynradd Llanbedr PS ac i'r rhai sy'n dathlu penblwydd arbennig: penderfynwyd gadael y mater ar y bwrdd am y tro.

## **8. GOHEBIAETH**

### **8.1 Cynnig ar gyfer newid y gofod awyr a ganiateir ar gyfer Systemau Awyrennau Di-griw Cymru** (Parc Aberporth) LLCC: nodwyd er gwybodaeth.

### **8.2 Ombwdsman: Adroddiad Blynyddol 2007-08:** er gwybodaeth.

### **8.3 Mabwysiadu Bryn Steffan (Rhan 2) Llanbedr Pont Steffan / CSC:** er gwybodaeth.

### **8.4 Cyfarfod Blynyddol Cyffredinol; Ymgyrch Diogelu Cymru Wledig.** 28/06/2008 2pm Plas Dolerw, Y Drenewydd: er gwybodaeth.

### **8.5 Dŵr Cymru: parthed llifogydd ar Stryd y Farchnad a Heol Cambrian** yn ystod yr Haf 2007: yn dilyn y cyfarfod rhwng cynrychiolaeth y Cyngor Tref a'r Rheolwr Rhwydwaith Richard Lewis a'r Peiriannydd Richard Davies ym mis Gorffennaf 2007 carwyd allan ymchwiliad Camerâu Teledu Cylch Cyfyng (CTCC) yn ardal Stryd y Farchnad a Heol Cambrian. Dangosodd yr ymchwiliad gasgliad o laid a deilchion yn y carthffosydd. Glanhawyd y carthffosydd a'u dychwelyd i'w safon mwyaf gweithredol. Nid oes problemau ychwanegol wedi eu hadrodd i Ddŵr Cymru ers yr amser hyn ond os oes problemau'n codi gall trigolion ffonio'r ganolfan galw 24 awr ar 0800 0853968, gall criw o bobl gael eu ryddhau i archwilio ac i ymgymryd â'r gwaith sydd ei angen. (Rhif cyswllt Mr Matthew Davies, Swyddog Cwynion gan Gwsmeriaid

yw 08712000 943). Penderfynwyd i gysylltu â Dŵr Cymru i ofyn tybed os oes arolygon yn cael eu cario allan yn gyson.

- 8.6 **Adroddiad Cynllun Partneriaeth Llywodraeth Leol 2006-07** & Cynllun Partneriaeth Llywodraeth Leol Mawrth 2008 Llywodraeth Cynulliad Cymru: er gwybodaeth.
- 8.7 **Cynllun Hyfforddiant Cenedlaethol ar gyfer Cynghorau Tref a Chymuned:** Un Llais Cymru: Mae'r 6 modiwl yn cwmpasu: Y Cyngor; Y Cynghorydd; Y Cyngor fel Cyflogwr; Deall y Gyfraith; Cyfarfodydd y Cyngor a Deall Cyllid Llywodraeth Leol. Penderfynwyd i drafod y mater ymhellach yn ystod y cyfarfod nesaf.
- 8.8 **Carnifal Llambled 2008: derbyniwyd e-bost oddi wrth Jana Davidson,** Arweinydd Sgowtiaid Afancod Llambled yn gofyn am fanylion cyswllt Carnifal Llambled 2008. Adroddodd y Cyng Williams nad oedd Pwyllgor y Carnifal wed ei sefydlu eleni. Penderfynwyd i geisio sefydlu pwyllgor. Byddai erthygl yn ymddangos yn y Cambrian News yn apelio am wirfoddolwyr ar gyfer y pwyllgor. Byddai manylion cyswllt y Maer yn cael eu dyfynnu'n yr erthygl. Mae'r Sgowtiaid hefyd am logi alotiad ; penderfynwyd eu cyfeirio at Mr Peter Matthys CSC.
- 8.9 **Balchder Bro Ceredigion:** llythyr oddi wrth Rachel Mills Cydlynnydd Balchder Bro CSC yn amlinellu ei rôl ee i gynyddu ymwybyddiaeth am effeithiau troseddau amgylcheddol lefel isel (taflu sbwriel, baeddu cŵn ayyb); i weithio â chymunedau lleol i drefnu glanhau "mannau budr" lleol.; clustnodi a gwella adeiladau a thiroedd agos at fannau preswyl sydd wedi'u hesgeuluso ac sy'n niweidiol i amwynder yr ardal. Ei chyfeiriad e-bost yw rachelm@ceredigion.gov.uk.

## 9. MENTER LLAMBLED

**Adroddodd y Cyng. G.Evans** bod y pwyllgor y Dref Drawsnewidiol yn dal i ddisgwyl ateb i'w cais am gymhorthdal.

## 10. CYNLLUNIO

### 10.1 Ceisiadau

**10.1.1 Newid Ffenestri a Drysau, Tŷ'r Eglwys, Llambled.** Rhif y Cais:

A080489LB: Ymgeiswyr: Ymddiriedolwyr Eglwys San Pedr, Llambled: **Cefnogwyd.**

**10.1.2 Newid defnydd ar gyfer siop "Tattoo" ac Oriel Celf:** Tŷ Tauistock, 17 Sgwâr Harford, Llambled: Rhif y Cais A080438. Ymgeisydd: Ainsbury-Panesh, Rhydyfelin, Pentre, Tregaron. **Cefnogwyd.**

**10.1.3 Codi estyniad i'r cefn: Rhif 4, Teras Glandulais, Llambled SA48 7HP.** Rhif y cais A080472. Ymgeisydd: SE & BS Jones, Maes y Berllan, Cellan, Llanbedr Pont Steffan. **Cefnogwyd.**

**10.1.4 Trosi'r garej presennol i estyniad sengl un-llawr, Green Cottage, Teras Greenfield, Llanbedr Pont Steffan.** Rhif y Cais: A080525. Ymgeisydd: Mr Andy Bevan Green Cottage, Teras Greenfield, Llanbedr Pont Steffan. **Cefnogwyd.**

### 10.2 Gwrthodwyd gan GSC

Dymchwel adeilad presennol a chodi adeilad newydd i gynnwys 2 fflat a stiwdio artist, 56 Heol y Bont, Llanbedr Pont Steffan. Rhif y cais A071116. **Rhesymau**

**10.2.1 Mae'n bolisi gan GSC i ganiatau datblygiad preswyl os nad oes yna wrthwynebiad trafndiaeth/mwyniant/darpariaeth gwasanaeth**

**neu cynllunio lleol i'r cynnig.** Y mae cryn dipyn o wrthwynebiad o ran mwyniant, trafndiaeth a chynllunio lleol i'r cynnig sy'n wrthwyneb i'r canllawiau Polisi H3 y Cynllun Datblygu.

10.2.2 **Byddai'r datblygiad arfaethedig** yn cael effaith anffafriol ar gymeriad ac arddangosiad yr ardal sy'n syrthio o fewn yr Ardal Cadwraeth.

10.3 **Cynllun Datblygu Lleol Sir Gaerfyrddin:** nodwyd er gwybodaeth.

## 11. CYLLID

11.1 **Shelter Cymru £25.00** Rhif y Siec: 001597

11.2 **Viking Direct £49.31; £8.56 TAW** Rhif y Siec 001599

11.3 **Cyflog y Clerc Mehefin 2008 £463.95** Rhif y Siec 001598

11.4 **Treth Incwm: £86.58** Rhif y Siec 001597

11.5 **Gwres/Golau/Costiau Storio: £20.00** Rhif y Siec 001595

11.6 **Cost Cludiant £67.06** Rhif y Siec 001594

11.7 **Lwfans y Maer** (Cyng. C.Thomas am fis Mai 2008- mis ychwanegol) £215.64 Rhif y Siec: 001584

11.8 **Cyfraniad Yswiriant Cenedlaethol:** (Cyflogwr –yn ddyledus ar gyfer 2007-08) £161.93 Rhif y Siec:001584

11.9 **Penderfynwyd i beidio â chyfrannu'n ariannol at yr elusen *Relate*** sy'n ymroi i helpu pobl o bob oedran yn eu perthynas ag eraill. Ar hyn o bryd ni chynigir gwasanaeth yn Llambled. Gwnaed ymdrech i ddechrau gwasanaeth ym 2007 ond methiant bu'r ymgais a chau a wnaeth o fewn mis oherwydd diffyg hysbysebu. Beth bynnag, gwelir Llambled yn le delfrydol ar gyfer cynghori ar gyfer y dyfodol; mae cynghorydd yn byw yn y dref. Petaent yn medru dod o hyd i leoliad addas, byddent yn ystyried ail-ddechrau'r gwasanaeth.

11.10 **Derbyniwyd llythyr oddi wrth y mudiad Child-Line** yn diolch i'r Cyngor Tref am y cyfraniad o £25.00.

11.11 **Cafodd enw Archwiliwr Mewnol ei awgrymu.** Bydd rhaid ymgymryd â'r archwiliad cyn y 21/07/2008.

## 12. IS-BWYLLGORAU

### 12.1 Newidiadau ar gyfer is-bwyllgorau

Penderfynwyd i beidio â newid cynrychiolwyr yr Is-bwyllgorau sydd a ganlyn:

12.1.1 **Palmantau:** Cyng C.Thomas; L.Mason-George; E.Dafis; R.Phillips.

12.1.2 **Goleuadau:** Cyng J.Davies; D.Williams; M. Davies-Evans; G.Evans;

12.1.3 **Llwybrau Cerdded:** Cyng A. Carter; R.Harris; S.Walters; C.Barton;

12.1.4 **CTCC:** Cyng R.Harris; R.Philips; K.Ramaya

12.1.5 **Yr Iaith Gymraeg:** Cyng R.Phillips, D.Williams; C.Thomas; S.Walters.

### 12.2 LLWYBRAU CERDDED (gan gynnwys Parc-yr-Orsedd)

#### 12.2.1 Adleoli'r Bloc o graig ym Mharc-yr-Orsedd

Penderfynwyd i gau pen y mwdwl parthed y mater ac i dalu'r £900 angenrheidiol ar gyfer adleoli'r bloc o graig i le mwy diogel. Hysbyswyd aelodau y byddai cynrychiolwyr y Cyngor Chwaraeon yn ymweld â Pharc yr Orsedd yn ystod y 12 wythnos

i archwilio'r offer newydd. Bydd y Cyng. G.Evans a H.Harris yn cyfarfod y cynrychiolwyr ar y safle.

**12.2.2 Plannu bwlbiau Cennin Pedr –Apêl am wirfoddolwyr i dacluso Parc-yr-Orsedd ar gyfer y gystadleuaeth “Cymru yn ei Blodau”:**daethpwyd o hyd i 4 gwirfoddolwr ar gyfer y bore Sadwrn canlynol. Mae'r beirniad *Cymru yn ei Blodau* i fod i ymweld â Llambod ar y 23ain o Orffennaf.

**12.2.3 Cynllun Gwella Hawliau Tramwy Ceredigion** Drafft Ymgynghori CSC Bydd y Cyng A Carter yn ymateb i'r Ymgynghoriad.

### 12.3 PALMANTAU

**12.3.1 Manol:** mae'r manol ger yr Ystablau (Mews) Swyddfa Post yn beryglus. I adrodd y nam at sylw'r CSC.

**12.3.2 Mae yna slabiau'n rhydd ar y llwybr sy'n** arwain o Eglwys Sant Pedr i Ystâd Maesyderi.

### 12.4 GOLEUADAU STRYD

**12.4.1 Mae golau stryd** sydd wedi ei leoli ar faes yr Archfarchnad Somerfield ynghyn drwy'r dydd- i adrodd i GSC.

**12.4.2 Adroddwyd fod y golau ger y Swyddfa Ddosbarthu** Teras yr Orsaf yn dal yn ddiffygiol; i adrodd y mater unwaith yn rhagor at sylw'r CSC.

### 12.5 CTCC

**12.5.1 Yr Adroddiad Misol – Mis Mai – CSC:** bu yna 2 gais i edrych ar ddeunydd digidol gan yr heddlu'n ymwneud â lladrad. Yn ôl yr e-bost a dderbyniwyd oddi wrth Mr Bleddyn Jones CSC ar y 26ain o Fehefin mae'r gwaith o uwchraddio'r ddolen radio wedi ei gwblhau, ond y mae problemau cydweddiad yn dal i fodoli rhwng y pecynnau meddalwedd yr ystafell Reoli. Beth bynnag, mae'r 6 camera yn awr yn gweithio a mae'r rheolaeth, ar y cyfan yn dda ac yn meddu ar ansawdd recordio o safon dda. Mae'r contractwr yn dal i weithio ar y mater o gydweddiad. Penderfynwyd i ddarganfod oriau monitereiddio'r camerau ac i gyfleu mai blaenoriaeth y Cyngor Tref yw yn y nos ac yn ystod y pen-wythnos ee 8:00pm i 3:00am. Ynglŷn â'r ymweliad â'r Ystafell Reoli byddai'r Cyngor Tref yn croesawi ymweliad yn yr Hydref pan fydd yr oriau o dywyllwch wedi cynyddu.

## 13. U.F.A.

**13.1 Mae'r hysbysfwrdd ger Llyfrgell y Dref** yn mynd â'i ben iddo. (DW)

**13.2 Penderfynwyd i drafod amserau parcio** ym maes parcio'r Cwmins yn ystod y cyfarfod nesaf.

## 14. Dyddiad y cyfarfod nesaf:

Nos Iau 31ain o Orffennaf am 7:30pm yn Neuadd y Dref. Penderfynwyd cynnal cyfarfod misol ym mis Awst.

------(Arwyddwyd/Cadeirydd/Dyddiad)